

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

1. प्रधानमंत्री नरेंद्र मोदी होरें जल जीवन मिशन दी ग्रामीण महिलाएं गी सशक्त बनाने लेई सराहना कीती।
2. एनआईए नै रियासी च आतंकवादियें दी मदद करने आहले उप्पर कार्रवाई कीती। सुरक्षाबलें रियासी जिले च आतंकवादियें दे छप्पने आहले थाहरें गी तुप्पी टकाया ते उत्थुआं भारी मात्रा च असला बरूद बरामद कीता।
3. पुंछ जिले दे एल.ओ.सी कच्छ इक पास्तिनी घुसपैठिया गिरफ्तार कीता गेआ।
4. दुर्घटना पीड़ितें लेई देशव्यापी कैशलैस इलाज योजना तौलें गे शुरू कीती जाग, आखेआ केंद्री मंत्री नितिन गडकरी होरें।
- 5 जम्मू-कश्मीर मौसम विभाग नै 18 दिसंबर तगर खुश्क मौसम रौहने दी भविक्खवाणी कीती ऐ ते ताजा बर्फबारी कारण मुगल रोड गड्डियें दी आओजाई लेई बंद।

<><><><><><>

PM-JJM

प्रधानमंत्री नरेंद्र मोदी होरें अजज जल जीवन मिशन दी सराहना करदे होई आखेआ जे इस योजना नै महिलाएं गी सशक्त बनाने च खासतौरा पर ग्रामीण इलाकें च मती अहम भूमिका निभाई ऐ। अपने सोशल मीडिया पोस्ट च प्रधानमंत्री होरें आखेआ ऐ जे हर इक घर च साफ पानी कन्नै महिलाएं हुन कौशल विकास ते आत्मनिर्भरता उप्पर ध्यान देई सकदियां न।

<><><><><><>

NIA-Raids

आतंकवादी गतिविधिं च मदाद करने आहले ओवर ग्राउंड वर्क्स दे नेटवर्क गी खत्म करने दे मकसद कन्नै राश्ट्री जांच एजेंसी नै अज्ज रियासी जिले दे मोहर इलाके च छापेमारी कीती। इस कार्रवाई दा मकसद इस खेतर च आतंकवादी गतिविधियें लेई समर्थन प्रणाली गी खत्म करना ऐ। ध्यान देने जोगी

गल्ल एह ऐ हाल च गै एन.आई.ए नै जम्मू खेतर च अपने अभियान गी तेज करी दिता ऐ। जिंदे च आतंकवादी गतिविधियें च मदद करने दे शक आहले व्यक्तियें उप्पर कार्रवाई तेज होआ करदी ऐ। इस थमां पैहले 21 नवंबर 2024 गी एनआईए नै जम्मू दे 5 जिलें च 8 थाहरें पर इस चाल्ली दी छापेमारी कीती ही।

<><><><><><>

Reasi-Hideout

आतंकवाद कन्नै निब्बड़ने ते खेतर च शांति बनाई रखने दे जत्नें च इक बड़ी महत्व आहली उपलब्धि दे तौरा पर सुरक्षाबलें इस सांझे अभियान च कल संझा लै रियासी जिले च आतंकवादियें दे छप्पने आहली थाहरें गी तुप्पी टकाया। आकाशवाणी जम्मू दे संवाददाता दी पिर्ट मूजब खूफिया सूह दे आधार पर सुरक्षाबलें आसेआ रियासी जिले दे मौहर तहसील दे लापरी इलाके च तपाशी अभियान चलाया गेआ जेदे च आतंकवादियें दे छप्पने आहली थाहरें दा पता लग्गेआ। सुरक्षाबलें गी उनें थाहें पर भारी मात्रा च हथियार ते गोला-बरूद बरामद होआ जिंचे च ए.के-47 मैगजीन्स, मैगजीन्स सने 2 पस्तौलां, 511 ए.के-47 राउंड, 14 पिस्तौल राउंड, 4 हैंड ग्रेनेड ते 1 बैकपैक शामिल न। जब्त कीते गेदे असले गी सुरक्षित रखी दिता गेआ ऐ ते बरामद कीते गेदे हथियारें दे बारे च पता लाने ते आतंकवादियें दी गतिविधियें कन्नै कुसै बी चाल्ली दे सरबंध दी पंछान करने लेई होर जांच अजें जारी ऐ।

<><><><><><>

LoC-Poonch

भारती सेना नै पुंछ जिले च एल.ओ.सी परां घुसपैठ दी कोशश गी नाकाम करी दिता ऐ। आकाशवाणी जम्मू दे संवाददाता दी रिपोर्ट मूजब कल संझा लै बन्ने कोल इक ग्रां नूरकोट च इक पाकिस्तानी घुसपैठी मोहम्मद सादिक छप्पी-छप्पिए इस पास्सेओने दी कोशश करा'रदा हां इस आदमी कोलां किश बी बरामद नेई होआ पर औहदे कन्नै बन्ने परां इस बकखी ओने दे मकसद दा पता लाने लेई पुच्छ गिच्छ कीती जा'रदी ऐ।

<><><><><><>

LG-Tribute

उप-राज्यपाल मनोज सिन्हा होरें जनरल जोरावर सिंह होरें गी उंदे शहीदी दिवस उप्पर श्रद्धांजलि भेंट कीती। उपराज्यपाल होरें आखेआ जे जोरावर सिंह होर बड़े वीर योद्धा हे ते उनेंगी अपनी मातृभूमि लेई अपने बलिदान लेई म्हेशां चेता रखेआ जाग।

<><><><><><>

Job fair Reasi

मकामी युवाएं गी रोजगार दे मौके उपलब्ध करोआने लेई जम्मू-कश्मीर दे रोजगार मैहकमे आसेआ रियासी जिले दे रोजगार ते परामर्श केंद्र च इक मेगा जॉब मेले दा आयोजन कीता गेआ। सेहत, शिखा, हास्पिटैलिटी ते सुरक्षा सने बक्ख-बक्ख खेतरें च 530 शा मते रोजगार दे मौके उपलब्ध करोआए गे। मेदवारें गी मते मौके तुप्पने लेई www.jakemp.nic.in जनेह www.ncs.gov.in पर पंजीकरण कराने लेई प्रोत्साहित कीता गेआ। स्हाढ़े जिला संवाददाता देवेंद्र ठाकुर हुंदे कन्नै गल्लबात करदे होई रियासी जिला रोजगार ते परामर्श केंद्र दे सहायक निदेशक अवनि वैद होरें आखेआ।

<><><><><><>

SIH-Jammu

स्मार्ट इंडिया हैकाथॉन 2024 Software Edition दा अज्ज समापन समारोह शुरू आई.आई.टी जम्मू च होई गेआ। 36 घंटे नॉन स्टॉप हैकाथॉन अज्ज मुक्की गेआ जेदे च पूरे मुख्यै शा टीमां इक दुए कन्नै मकाबला करा'रदियां हियां। इस मेघा इवेंट दा थीम हा द पावर ऑफ क्रिएशन, दा आउंडेशन ऑफ इन्नोवेशन यानि सृजन दी शक्ति, नवाचार दा आधार। आई.टाई.टी जम्मू दे डरैक्टर प्रो. मनोज सिंह गौर होरें प्रतिभागिएं गी ए.आई ते आई.ओ.टी जनेह टेक्नोलॉजिएं दा इस्तेमाल करने लेई आखेआ।

<><><><><><>

Nitin Gadkari Accident

केंद्रीय शिडक ते राष्ट्रीय जरनैली शिडकें सरबंधी मंत्री नितिन गडकरी होरें लोकसभा च आकखेआ जे हादसे दे पीड़ितें आस्तै कैशलेस इलाज योजना तौले गै पूरे मुख्यै च शुरू होई जाग। लोकसभा च इक सोआले दे लिखित परते च उने एह गल्ल आकखी। गडकरी होरें आकखेआ जे 6 राज्यें च प्रचलित योजना तौले गै उत्तर प्रदेश ते मगरा देशै दे बाकी हिस्सें च शुरू कीती जाग। एह योजना सड़क हादसे दे पीड़ितों गी अस्पतालें च डेढ़ लक्ख रपे तगर दे कैशलेस इलाज दा लाह ठोआने च सक्षम बनान्दी ऐ। राष्ट्रीय जरनैली शिडकें पर हादसे दी बददी गिनतरी पर चिन्ता जाहिर करदे होई उने सदस्यें सोयां ऐसे सिड़क हादसे दी बजहें दा पता लाने आस्तै हर जिले च हादसे दी रोकथाम सरबंधी समितियां कायम करने दा अनुरोध कीता। गडकरी होरें आकखेआ जे कैशलेस इलाज दी नै 6 राज्यें च 21 सौ लोकें दी जान बचाई ऐ, जित्थे एह योजना अजें लागू कीती जा'रदी ऐ।

<><><><><><>

राज्यसभा च, सत्ताधारी ते विपक्षी सदस्येनं बशकार अडानी समूह खिलाफ कथित रिश्वत दे आरोपेनं ते अमरीका स्थित जॉर्ज सोरोस फाउंडेशन ते कांग्रेस नेताएं बशकार मिली-भगत दे आरोप-प्रत्यारोपेनं करी होए दे हंगामे दे चलते सदन दी बैठक दिनभर लेई स्थगित करी दिती गई। पैहली बारी होए दे स्थगन मगरा सदन दी बैठक दो बजे जसिलै परतिऐ शुरु होई तां दोनेनं पक्खे दे सदस्येनं नारेबाजी दा सिलसिला जारी रखेआ। सभापति जगदीप धनखड होरें शोरशराबे बशकार कारबाई गी जारी रखने दी कोशिश कीती। जनता दल सेक्यूलर दे सांसद एच डी देवेगौडा होरें सभापति खिलाफ अविश्वास प्रस्ताव दा नोटिस देने आस्तै विपक्ष दी निन्देआ कीती। उने आक्खेआ जे विपक्ष गी सदन चलने देना लोडचदा। विपक्ष दे नेता मल्लिकार्जुन खरगे होरें सभापति पर पक्खपात करने दा आरोप लाया। राज्यसभा दे नेता ते भाजपा अध्यक्ष जेपी नड्डा होरें विपक्ष दी ओहदे दा सम्मान नेई करने लेई निन्देआ कीती। उने आक्खेआ जे कांग्रेस इस मुद्दे राएं लोकें दा ध्यान भटकाना चाहन्दी ऐ। नड्डा होरें लोकसभा च विपक्ष दे नेता राहुल गांधी हुन्दी उपराष्ट्रपति दे ओहदे दा सम्मान नेई करने दी बी निन्देआ कीती। इस सब्बे दे चलदे सदन दी कारवाई दिन भरै लेई स्थगित करी दिती गई।

<><><><><><>

Food Safety Deptt.

खाद्य सुरक्षा मैहकमे नै पुंछ जिले च खा संचालकें, आंगनवाड़ी कर्मचारियें ते उपभोक्ताएं लेई इक दिन दी सिखलाई कार्यशाला दा आयोजन कीता। इस कार्यशाला दा मकसद खाद्य सुरक्षा दे मानकें बारै जागरूकता फैलाना हा। इस कार्यशाला दी अध्यक्षता फूड ते ड्रग्स एडमिनिस्ट्रेशन दे कमिशनर हशमीत अली यत्तू होरें कीती। आकाशवाणी दे संवाददाता कन्नै गल्लबात करदे होई कमिशनर हशमीत अली यत्तू होरें आखेआ।

<><><><><><>

Weather JK

मौसम विभाग नै 18 दिसम्बर तगर जम्मू कश्मीर च मौसम आम तौर पर खुश्क रौहने दी पेशगोई कीती ऐ। जम्मू खिते च सीत बरोबर जारी ऐ। जम्मू च अज्ज घट्टोघट्ट तापमान 6 अशारिया 8 डिग्री सैलसियस दर्ज कीता गेआ जिसलै कि बद्दोबद्द तापमान 19 अशारिया 6 डिग्री सैलसियस दर्ज कीता गेआ। एतिहासिक मुगल शिडक जेडी पुछ ते राजोरी जिले गी घाटी कन्ने जोडदी ऐ ओह बी ताजा बर्फबारी होने करी गड्डिएनं दी आओ जाई लेई बंद ऐ। डीएसपी प्रैफिक पुछ शिव कुमार होरें आक्खेआ जे शिडक गी साफ करने दा कम्म जारी ऐ ते शिडक गी ट्रैफिक लेई तौले गै खोली दिता जाग।

<><><><><><>

2025 ब'रे दियां खेलो इंडिया स्यालू खेड्डां दऊं बक्ख-बक्ख गेड़ें च लद्दाख ते जम्मू कश्मीर च कराइयां जांगन। लद्दाख 23 कोला लेइयै 27 जनवरी तगर आइस स्कींग ते आइस हॉकी जनेए बर्फू पर खेड्डे जाने आले आयोजनें दी मेजबानी करोग जिसलै जे 22 कोला 25 फरवरी तगर जम्मू कश्मीर च एलपाइन स्कींग, नार्डिक स्कींग, स्की माउन्टेनरिंग, स्नोबोर्डिंग जनेए खेड्डें दा सरिस्ता कीता जाग। केन्द्री खेड्ड मंत्री डॉ. मनसुख मांडविया होरें इनें औंदे आयोजनें गी लेइयै खुशी ते उत्साह प्रगट कीता ते 2026 ब'रे च होने आले स्यालू ओलंपिक्स लेई अपने खडारी तालने च इनें आयोजनें दे महत्व गी उजागर कीता। उनें आखेआ जे खेलो इंडिया स्यालू खेड्डें दा मकसद गै बड्डे ते अंतर्राष्ट्रीय सतह मकाबले लेई खडारिएं दी पंछान ते ताल करना ऐ। स्यालू खेड्डें दा आयोजन लद्दाख च दूई बारी होने जा'रदा ऐ। 2024 दिएं खेलो इंडिया स्यालू खेड्डें कोला पैहले सारे आयोजनें दी मेजबानी जम्मू कश्मीर गै करदा हा।

<><><><><><>

Army-Poonch

भारती सेना नै कल पुंछ दे दूर-दरेडे इलाकें उप्पर सिंधराह च इक मेडिकल कैप दा आयोजन कीता तां जे गरीब ते पिछड़े वर्ग दे लोकें गी मुफ्त दवाइयां बंड्डियां जाई सकन। इस कैप दा आयोजन गुज्जर-बकरवाल समुदाय लेई कीता गेआ हा जेड़े शिड़कें थमां दूर थाहरें पर रौहंदे न ते खासतौरा पर स्याले दौरान उचित चिकित्सा दिक्खभाल दी कमी दा सामना करदे न। प्रशिक्षित डॉक्टरें दी निगरानी च इनें लोकें गी सेहत सेवाएं, आम बमारिएं ते मौसम बमारिएं लेई दवाइयां उपलब्ध करोआई गेइयां।

<><><><><><>